

Scherz de Carneval

Bandonada a quindes ann

come on vecc fregon di piatt,

senza cà, danee, amis

l'era on nisciorin de tosa
magra, smòrta e on poo ombrosa..

L'hoo ciappada come "còlf"
gh'hoo daa on lett, ona cà, on sorris
e lee, semper rispettosa

la nettava, la cantava,

la faseva ògni mestée...
fin che on dì me sont accòrta
che quel fior l'era sbocciaa!

"Sciora, incoeu pòdi andà in Gesa?"
"Certament" "Gh'hoo nò el paltò..."
"Quest l'é noeuv toeu l'è tò!"
"Grazie sciora 'me l'è bònà!"

Di regai de mes in mes
se slongava la collana.

"Sciora, pòdi andà a spass?
"Certament " "Gh'hoo el moros"
"Va te presti on cappellin
cont i fior e la veletta
Stimuscetta come mi
al mè primm pontell con lù!"

"Sciora, pòdi andà a 'na festa?

"Certament el vestii de ball
te see già dove trovall"

Con quel sò farin gentil
giudiziosa, laboriosa
de la cà ormai padròna,
la derviva i mè casset,
la squattava i mè segrett
i mè letter, i mè sògn

L'era giòia, allegria
l'era on boff de gioventù
che on dì l'é volaa via,
senza domandà el permess
per on scherz de Carneval?
nò, per viv....col mè marì!

ella torretta